

二十四史九通政典類要合編

前編

第一冊

二十四史九通政典類要合編

序

今欲整齊風尚作新士氣俾務於經世宰物致用之學其必以經爲根荄以史爲枝幹經以正心術史以達事變二者相爲用然後蓄積厚而裁制閎也自阮儀徵相國以經術提倡東南學海棠解經之作其書滿家然或競於經生釋詁之學句梳字櫛若王西莊錢竹汀之淹洽以治經之法治史所爲商榷攷異諸編耑抑揚辭義斟酌同異斯亦餽飭之習而已夫史有三長務識大體一姓之興廢於其治民治戎舉官選士數者可以診之矣由遷固以降凡爲正史二十

有四雖皓首不能窮其端厓也握要以稽之此犖犖
數端散之紀傳表志者可聚之前席開卷而瞭然也
昔杜君卿氏始爲通典以兼綜雅故鄭氏馬氏廣之
爲通志通考鄭載圖譜金石草木昆蟲馬述經籍物
異殆資以多識非專政書也此三家者常與正史相
出入其辭洗洋累讀難竟反而求之史則又汜濫而
無紀於此有人焉芟其繁冗釐其節目斷代以歸類
分類以隸事唐宋而下兼治續典志考及 皇朝三
通合二十四史九通而一之則信乎昌黎氏之鉤元
提要可謂勤矣黃子書霖舒州方聞士也筮仕於浙

益遂其舊學爲史通政典類要二百二十卷以眎於
余其陳義宏大而條理微密凡爲前編兩漢三國晉
南北朝唐五代宋遼金元明益以 皇朝三通類要
爲十五函函系以門日子目於二十四史擷其菁英
而不取謏聞雜說於九通析其條例而不采六書七
音校讐圖譜諸編讀者斷代求之則合主辟王損益
張弛之迹孰得孰失粲如也若夫我 列祖列宗聖
作明述著之 皇朝三通美矣備矣區分事類而會
於一以貽來哲毋數典而忘然則由今以稽古因端
而竟委其有裨於經世宰物致用之學甚大且博豈

徒爲二十四史九通之橐籥哉余嘉黃君之志將董
勸實學祛經生餽飭之陋習故樂爲序而歸之

德清曲園俞樾叙於春在堂

序

嚮嘗論古今興廢治亂之跡莫備於史因革損益之要莫詳於
通學者沈潛其間循其流委觀其會通抑亦可以周覽百王知
其所以經世者矣然二十四史九通合五千四百餘卷自非器
識閎達力學有得之士斷不能貫徹終始甄理繅蹟精其取而
宏其用挈其政要以爲設施也夫前事者後事之師自古至
周秦兩漢以迄於今紛紜萬端厯代異轍時勢之變亦可見矣
然或泥往古之成說而不明當世之務則其道窒又或囿於近
局而不知古昔聖賢制作之典適足爲所繼之掇則其道窮孟
子曰法先王郇子曰法後王呂氏春秋云病變而藥不變董仲
舒對策道必有偏而不舉之處故政有耗而不行舉其偏以補

其敝而已又曰繼治世者其道同繼亂世者其道變太史公謂俗變相類議卑而易行世異變成功大此皆不可偏廢事不師古與拘守古法而鮮通者天下國家皆受厥病比物此志皆於史通得之擇焉而不精語焉而不詳則無從見宰人理物之方與其經綸庶務之大然則今雖改科舉法首以中國政治史事萃才辯而試之以求通儒恢治道而承學之子末由得其門徑窺其閫域以馴致乎六通四闢而不苦於繇繹不嫌於陋略則亦終無以識世變瞭然於張弛治忽而得其用也夫纂言必鉤元紀事貴提要若史緯史略通考詳節諸書不失之枝卽失之簡是非合而爲一若禹貢之導山水縱橫經緯脈絡分明使治史者得以由幹及枝治通者得以由博歸約不足貽來哲牖後

學也適約雅堂輯二十四史九通類要成句叙於余余覽而善之曰是真先得我心哉是書仿章氏山堂考索黃氏日抄及彭氏太平治跡統類前編依類采輯斷代分門兼擅其長凡所謂散者聚之聚者散之又參伍而錯綜之宗三例以拯三難以期兩無遺憾者此已不待余言已余所贅述者中國儒人失學久矣自六經著述外其有關世道備得失者惟史惟通而茲業未精其賢者讀之而不能盡不肖者又難之而不欲讀相承荒陋害及政事而五洲各國典要方孜孜焉借象譯以資考證夫於我所固有且莫能悉其始末以審厥取舍况又遠求之域外耶孔子於夏殷之禮惜杞宋之不足徵以文獻不足故也今文獻具在而闕然無能言之者乃復旁稽西史博攷西政將欲據以

爲典實引以爲涂軌則無怪乎懵無所主矣故知古而不知今則迂而鮮要知今而不知古則夸而失真當此時而是輯出其裨益學術治術匪淺而蒐討經數寒暑其經營之心亦可謂劬哉余尤願學者人置一編不徒視若類書供擗擗於一時而深攷辨之闡遷固之義奧挾杜馬之精蘊法其所可戒其所否推其所以變通盡利者以措之時政斯是書之幸矣故爲述其梗概如此

光緒二十五年八月儀徵六舟陳彞叙

二十四史九通政典類要合編

凡例

一是輯大旨以歷朝政要莫備於二十四史九通顧史分紀傳表志典章制度汜而難稽通者統也統括古今浩博無涖張弛之迹未能斷代而詳昔有作者若史緯史畧襲其成軌或取糟粕而遺菁英若通考詳節撮其大凡猶挈蹠涿而量河渭惟章氏山堂考索黃氏日抄分條掇拾爲史家之一體彭氏太平治迹統類前編爲八十八門今其書不傳不揣舛陋竊取先哲遺意就二十四史九通依類歸隸采輯精要漸於文約而事博綱舉而目張海內閱通幸垂教焉

一是輯甄收不出正史九通惟國志參用裴註南北朝各專史李延壽書新舊唐書五代史用丁氏合鈔例兼觀並取自晉宋以下諸史有一事兩見或兩事相類者折衷於一附加按語各通引用各史有字句小異者以正史爲主旁加校勘後代史筆漸繇並診之各通錯綜節采每條註明紀傳表志及九通篇名苟有譌闕可取原書正之

一是輯斷代分門取通鑑綱目趙氏作前編之例曰前編

上古至周秦

次曰兩漢曰三國曰晉曰南北朝

曰唐曰五代曰宋曰遼曰金曰元曰明曰

皇朝先史後通

首通典次通志又次通考以書之先後序之

依類編次歷

朝憲典每有損益非立一目可以括之每函弁以總目門目子目各隨時代所有以期徵實雖悉心揅考而珠遺之憾在所難免

一合輯宗旨以網羅正典爲主史之紀傳所載謾聞雜事與通之圖譜金石草木蟲魚校讐七音六書概未之錄至於詔令奏議暨私家記述論議舉有關於政要者節取之欲窺明備全書具在一
一皇朝三通訖於乾隆五十年厥後列聖相承徵猷聿著是輯但取三通已編入者爲拜颺盛烈之先聲續典頒行再益卷軸

一二十四史九通共五千四百餘卷篇帙繁富洋洋大觀欲條分而縷晰之非一手足一朝夕可爲功曩昔在京應禮闈試與素所欽敬之績學家共相考訂條目旣病其糾棼事類又虞其絀漏閱數寒暑借資羣力撝拾羣言始漸次輯成甯失之簡毋失之支苦心蒐討識者當自鑒諸

附編訂略例

一凡遇本朝廟諱御名概缺字之末筆以昭敬慎

一遼金元八名地名遵照欽定三史國語解等書官板仍將南監板原名旁註原作某某字樣其餘遇有考證應加按語概用夾註兩漢三國原註有采取者亦用小註

一昭代典章用王氏東華錄例凡遇抬寫概空一格

一援引史通概用平寫朝代總目降一格門目降二格子目旁註於門目下

二十四史九通政典類要合編總目

卷一至卷八

前編

凡八卷

卷九至卷三十八

前漢

凡三十卷

卷三十九至卷五十八

後漢

凡二十卷

卷五十九至卷七十三

三國

凡十五卷

卷七十四至卷九十八

晉

凡二十五卷

卷九十九至卷一百二十八

南北朝

凡三十卷

卷一百二十九至卷一百六十八

唐

凡四十卷

卷二百六十九至卷二百七十六

五代 凡八卷

卷二百七十七至卷二百八十六

宋 凡四十卷

卷二百八十七至卷二百九十六

遼 凡十卷

卷二百九十七至卷二百三十六

金 凡十卷

卷二百三十七至卷二百五十六

元 凡二十卷

卷二百五十七至卷二百九十二

明 凡三十六卷

卷二百九十三至卷三百二十

皇朝 凡二十八卷

總凡三百二十卷

二十四史九通政典類要合編前編目錄

卷一

前編一 上古至周秦

帝系

帝號歷年

后妃

皇太子皇子

公主

皇族

封建

上古至周封建之制

畿服之制

牧伯之制

諸侯命服之制

諸侯立軍之

制

諸侯建官之制

朝聘巡守賞罰之制

秦制侯以下二十等爵罷封建

秦楚之際起兵自立者凡六國

附

項王所立諸侯王凡十四國

附

卷二

前編二 上古至周秦

職官

官制

官數

祿秩

職田

官品

選舉

周選舉制

秦選舉制

舉士

舉官

考課

學校

太學

祠祭先聖先師

幸學養老

郡國鄉黨之學

卷三

前編三 上古至周秦

食貨

田制

耕藉附

水利田

鄉黨版籍職役復除

賦稅

錢幣

征商

鹽鐵

雜征斂

市糴

國用

運糧

振恤

卷四

前編四

上古至周秦

禮吉

凶

軍

賓嘉

禮總

郊天

明堂

方丘

社稷

宗廟

禘祫

功臣配享

以上吉禮

國恤

山陵

謚誄

以上凶禮

天子諸侯將出征類宜造禡并祭所過山川

田獵

大射鄉射

以上軍禮

天子受諸侯藩國朝宗覲遇

天子受諸侯遣使來聘

天子遣使來迎勞諸侯

三恪二王後

朝位

以上賓禮

冠服

符節璽印

乘輿車旗函簿

以上嘉禮

卷五

前編五

上古至周秦

樂

歷代樂制

樂歌

樂舞

夷部樂

卷六

前編六 上古至周秦

兵

兵總

周兵制

齊兵制

晉兵制

魯兵制

楚兵制

秦兵制

禁

衛兵

郡國兵

車戰

舟師水戰

馬政祭馬祖附

刑

刑制

徒流配沒

詳讞

贖刑

赦宥寬恤

卷七

前編七 上古至周秦

象緯

象緯總

丁輝

日食

日變

孛慧

雜星變

流星星隕

五星聚

舍

卷八

前編八 上古至周秦

輿地

歷代封畛

三皇都

五帝都

夏都

商都

夏商之際諸侯都

周都

周諸侯都

秦都附

冀州

兗州

青州

徐州

揚州

荊州

豫州

梁州

雍州

四裔總

東夷

南蠻

西戎

北狄

二十四史九通政典類要合編卷一

前編一 上古至周秦

帝系

帝號歷年

后妃

皇太子皇子

公主

皇族

黃帝少典之子姓公孫名軒轅生於壽邱神農氏世衰諸侯相侵伐蚩尤最暴黃帝徵師諸侯擒殺

蚩尤諸侯尊黃帝爲天子在位百年崩年百一十歲

以下通考
帝系考

帝顓頊高陽黃帝之孫昌意之子繼黃帝爲天子在位七十八年崩年九十八歲

帝嚳高辛黃帝之曾孫元囂之孫蟜極之子繼顓頊爲天子在位七十年崩年百五歲

帝堯帝嚳之子姓伊祁名放勳帝嚳崩而長子摯代立封堯爲唐侯帝摯立不善在位九年唐侯德

盛乃禪位於唐侯堯以甲辰卽位都平陽號陶唐氏在位七十年薦舜攝政又二十八年崩在位九

十八年壽一百一十八首甲辰盡癸未

帝舜顓頊七世孫瞽瞍之子姓姚氏名重華年三十堯舉之年五十攝行天子事年五十八堯崩年

六十一以丙戌歲代堯踐帝位都蒲阪號有虞氏三十一年以丁巳歲禪於禹二十八年崩壽一百歲

首丙戌盡癸亥

夏禹顓頊之孫鯀之子姓姁氏名文命治水有功舜使宅百揆年七十三以丁巳歲受舜禪卽天子

位都平陽安邑在位二十七年癸未崩壽百歲